



## Publicaziuns dalla vischnaunca, jamna 20

### Damonda da baghegiar

**2015-1019.000**

**Datum dalla publicaziun: ils 15 da matg 2015**

**Il patrun:** Pencilaras Mustér SA Via Acletta 27180 Disentis/Mustér

**Il representant:** Rudolf Büchi, directur, Via Acletta 27180 Disentis/Mustér

**Object:** Modificaziuns da terren en connex cunla meglieraziun dil trasse dalla pista, parcella 2541, Gendusas e Gendusas Dadens, 7180 Disentis/Mustér.

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'instanzada baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 11 da matg 2015

*Uffeci da baghegiar Disentis/Mustér*

---

### Annunzias da baghegiar

All'instanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

**Nr. 2015 – 2024.000**

Mobilias Fry, Geraldine Fry, Via Sursilvana 11, 7180 Disentis/Mustér; sanaziun dils mirs e dalla scala avonl'entrada tier las localitads da fatschenta, parcella 852, Via Sursilvana 11, 7180 Disentis/Mustér.

**Nr. 2015 – 2025.000**

Edwin Deflorin, Gassa da Cuoze 21, 7186 Segnas, e Duri Huonder, Via Salez 101, 7186 Segnas; reparaturas vid las fatschadas dil baghetg d'economia, parcella 1569 a Sax, 7180 Disentis/Mustér.

Encunter quellas decisiuns san ins protestar a scret enteifer 20 dis dapi la publicaziun alla supras-tonza communal.

Disentis/Mustér, ils 12 da matg 2015

*Uffeci da baghegiar Disentis/Mustér*

---

### Lubientscha da baghegiar

L'instanza da baghegiar ha concediu suandontas lubientschas da baghegiar:

**Nr. 2015 – 1011.000**

Aluis Riedi, Pardomat 6, 7180 Disentis/Mustér; construcziun annexa entrada casa sco tschaler e magasin, parcella 2320, Pardomat 6, 7180 Disentis/Mustér.

**Nr. 2015 – 1013.000**

Petra Kline e Sandro Sbicego, Hartbertstrasse 17, 7000 Chur; sanaziun dalla casa, parcella 86, Via Foppas 32, 7186 Segnas.

Disentis/Mustér, ils 11 da matg 2015

*Uffeci da baghegiar Disentis/Mustér*



### **Cussegl da vischnaunca Elecziun complementara**

Per l'elecziun complementara dil cussegl da vischnaunca pil rest dalla perioda d'uffeci 2013/16 ei enteifer il termin fixau vegniu inoltrau las suandontas duas propostas:

- Adrian Deflorin, 1976, Cuoz, maridau, substitut menader da credits tier ina banca
- Pablo Maissen, 1982, Vitg, ledis, cautren

L'elecziun complementara ha liug ils 14 da zercladur 2015. La documentaziun per l'elecziun vegn repartida el decuors dall'jamna proxima ensemen culs documents per la votaziun cantunala e las quater votaziuns federalas.

*Suprastonza communal*

---

### **Uniun fallun e cascharia Disla/Mustér**

Sonda, ils 16 da matg 2015 ha liug a Disla/Mustér «Il di svizzer dils mulins». Quei di vegn chischau, mulau, resgiau (nus sperein ch'ei funcziuneschi) ed era il talèr vegn mess en funcziun. Duas dunnas sunan e contan quei di per nus. Ins sa era gentar tier nus.

A tuts in cordial beinvegni  
*la suprastonza*

---

### **Uniun samaritana Mustér Cuors agid d'urgenza «Refresher»**

L'uniun samaritana Mustér organisescha quei cuors per tut ils interessents che han inaga frequentau il cuors agid d'urgenza (Nothilfekurs) e vulan refrestgentar las enconuschientschas fundamentalas da quel.

**Datum:** *venderdis, ils 29 da matg 2015 allas 19.00–22.00*

**Liug:** casa da scola, Mustér

**Annunzias:** ein da far entochen ils 19 da matg 2015 tier Yvonne Flepp

**tel.** 081 947 50 35/078 839 06 99

**e-mail:** yvonne.flepp@kns.ch

**Festival svizzer per chors d'affons e da giuvenils**

---

### **Uniun da dunnas Mustér**

#### **Radunonza extraordinaria**

Mesjamna, ils 27 da matg 2015 allas 20.00 el hotel «La Furca» Mustér.

Beinvegni

Tractandas:

1. Viadi dall'uniun da dunnas.  
Cons daners astgein duvrrar?
2. Program definitiv dil viadi
3. Varia

Selegrond sin stedia participaziun salida cordialmein  
*Christina, Katrin e Fabiana*



### Uniun da dunnas/mummas cun affons pigns Mustér

#### Grillada a Fontanivas

En cumpignia lein passentar in suentermiezdi a Fontanivas. Ei vegn barsau servelas e zambergiau ina sorpresa. Tut ils geniturs cun lur affons ein cordialmein envidai a quella grillada.

Termin: **Mesjamna, ils 27 da matg 2015** naven dallas 14.00. Voss'annunzia pren Susanne Strupler bugen encunter entochen gliendisdis, ils 25 da matg 2015 per telefon 081 936 43 14.

Sin vossa viseta selegra  
*il team mummas cun affons pigns*

---

### Societad da musica Mustér

#### Concert primavaun

**Sonda, ils 23 da matg 2015** allas 20.00 en halla Cons cun stiva da caffè

**Dumengia, ils 24 da matg 2015** allas 17.00 en halla Cons.

Entrada libra. Collecta

---

### Apparats d'udida

**Mardis, ils 26 da matg 2015** saveis Vus schar schubergiar e regular Vies apparat d'udida naven dallas 14.00–16.00 el Puntreis, Center da sanadad a Mustér, Via Cons 11. Signur Arthur Jacomet fa quei survetsch pertuts interessents gratuitamein.

Cordiala invitaziun  
*Puntreis, Center da sanadad*